

सोच गी बढावा देने आहला केन्द्र ऐ ते जिसी द सेंटर ऑफ हैप्पीनेस एंड द आर्ट क्लब आसेया आयोजित अंतराष्ट्रीय चित्रकारी कार्जशाला दे समापन समारोह दौरान आकखी। अपने सम्बोधनै च एल.जी होंरें आखेया जे अज्ज आर्टिफीशल इंटेलीजेंस दा दौर ऐ ते मशीनै उपकरणों दी मदद कन्नै माहन् मता किश सिक्खा करदा ऐ पर नमै-नमै मौकें दा पता लाने लेई सृजनात्मक ते कलात्मक सोच बड़ी जरुरी ऐ- जेहदे नै कल्पना गी मूर्त रुप देने ते निवेश करने च मदद थहोग ते अस सब्बै मिलियै इक जानदार ते शानदार समाज बनाने च कामयाब होई सकने आं। उनें आखेया.

<><><><><><>

MOS Start Up

केन्द्रीय मंत्री जितेन्द्र सिंह होंरें आखेया ऐ जे भारत च उद्यमशीलता परिवर्तनकारी बाद्दा होआ ऐ ते स्टार्ट-अप्स दी गिनतरी 2 लकख कोला मती होई गई ऐ- जेहदे कन्नै देश स्टार्ट-अप ईको-सिस्टम च त्रीया बड्डा देश बनी गया ऐ। उनें जम्मू च इंडियन इंस्टीच्यूट ऑफ इंटीग्रेटिव मेडिसन आसेया लोआए गेदे इक स्टार्ट-अप कैम्प गी सम्बोधित करदे होई एह गल्ल आखी। डोडा गी पर्पल रेवोल्यूशन दी जन्मस्थली दस्सदे होई मंत्री होंरें आखेया जे इस पैहलकदमी गी मुख्य भरै च मान्यता हासल होई ऐ। उनें इस गलत धारणा गी बी दूर कीता ते नवाचार लेई पी.एच.डी. जां व्यापक औपचारिक शिक्षा दी लोड जरुरी ऐ। उनें आखेया जे अज्ज निक्के शैहरें दे उद्यमी एह साबत करा करदे न जे स्हेई मार्ग-दर्शन दिते जाने पर प्रतिभा फलती ऐ। उनें अगगे आखेया .

इस कार्यक्रम च इक इनक्यूबेटेड स्टार्ट-अप आसेया विकसित दिलै दी सेहत दे रख-रखाव कन्नै सरबन्धी न्यूट्रास्युटिकल वेला-वाइट हार्टबीट दी औपचारिक शुरुआत बी कीती गई। ध्यानजोग ऐ जे ट्रिपल आई.एम. च अजें तगर कुल 128 स्टार्ट-अपस इनक्यूबेट कीते गे न ते इनें स्टार्ट-अपस आसेया 18 उत्पादें गी बजारें च पेश कीता गया ऐ।

<><><><><><>

Speaker Arrangements

जम्मू-कश्मीर विधानसभा दे स्पीकर अब्दुल रहीम राथर होरें औंदे बजट इजलास गितै त्यारियें दा जायजा लैता, जेहड़ा 2 फरवरी गी शुरु होआ रदा ऐ। कल जम्मू च लग्गी दी इक उच्ची सतह दी बैठक दी अध्यक्षता करदे होई राथर होरें त्रुटी-रैहत सुरक्षा, हर साज- सम्यान दी दस्तयाबी ते बक्ख-बक्ख मैहकमे बश्कार नेड़मे तालमेल दी जरुरतें पर बी जोर दिता। स्पीकर होरें निर्देश दिता जे असैम्बली परिसर दी पूरी चाल्ली सफाई- उत्थै धोड़ी सखल्ली पुज्ज ते इक सांझा कक्ष बी खरी चाल्ली त्यार रखेया जाना लोड़चदा। एहदे इलावा उनें बिजली- पानी- सेहत सरबन्धि सुविधाएं- अग्ग पर काबू पाने दी बवस्था- मीडिया कवरेज- ट्रैफिक प्रबंधन ते होर दुए प्रबंधें पर बी जोर दिता। स्पीकर होरें इजलास गी पूरी चाल्ली रमानदारी ते बवस्था आहले ढंगै सिर चोढ़ चाढ़ना जकीनी बनाने लेई पेशेवराना रौंस अपनांदे होई अपात योजना पैहले सवां बनाइ रखने पर जोर दिता तां जे बजट इजलास दौरान कुसै चाल्ली दी कोई दिक्कत-परेशानी पेश नेंई आवै।

<><><><><><>

Kathua Hideout

कठुआ पुलस नै होरनें सुरक्षाबले दे तालमेल कन्ने कठुआ जिले दे बिलावर इलाके च आतंकवादिये दे त्रंऊ ठिकाने पर छापेमारी कीती ऐ। पुलसा मताबक- एह कारवाई खिते च चला रदे तपाश अभियाने दा हिस्सा ही। सांझे अभियान दौरान इनें ठिकाने थमां थेहार- गोलाबरुद ते होर दुआ समेयान जिंदे च दस्ताने- इक टोपी- इक कंबल- इक तरपाल शीट- प्लासटिक दे बड्डे थैले ते इक टार्च शामिल न। कठुआ पुलस नै इक सोशल मीडियो पोस्ट राएं एह जानकारी सांझी कीती ऐ। तपाश अभियान अजे बी जारी ऐ।

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया राष्ट्रीय सड़क सुरक्षा महीने दे सरबंधे च- अज्ज 25एं मिन्टे दा इक विशेष कार्यक्रम प्रसारित कीता जाग- जेदा विषे होग- “सड़क सुरक्षा- जीवन रक्षा”. साड्डे 12 बजे प्रसारित होने आहले इस कार्यक्रम च स्हाड़े परोहने होगंन- कठुआ-साम्बा-रौजारी ते पुंछ दे SSP ट्रैफिक (Rural) फारुक कैसर- जेहड़े इस विशे पर अपने माहिराना विचार सांझे करगंन। इस कार्यक्रम दी मेजबानी साहड़े न्यूज एंकर विजय बजाज आसेया कीती जाग। चेता रक्खेया अज्ज दपैहरी साड्डे 12 बजे स्हाड़े इस्सै चैनल मीडियम वेव 303 मीटर यानी 990 किलोहर्टस ते एफ.एम. 100 इशारिया 3 मैगाहर्टस पर।

<><><><><><>

National Sports Conf.

जम्मू-कश्मीर 17 ते कल 18 जनवरी गी जम्मू दे कन्वेंशन सेंटर च प्रदेश दी पैहली-पैहली राश्ट्री स्तर दी खेड्ढ कांफ्रेंस दी मेजबानी करने जा रदा ऐ। युवा सेवाएं ते खेड्ढे सरबन्धी निदेशालय आसेआ आयोजित कीते जाने आहले दऊं दिनें दे इस कार्यक्रम दा मकसद खेड्ढ ढांचे गी तगड़ा बनाना, युवाएं दी हिस्सेदारी गी बधाना ते 'खेलेगा भारत खिलेगा भारत' ज्नेही राश्ट्री स्तर दिएं पैहलकदमिं मूजब अपने प्रदेश गी अगगे बधाना ऐ। इस सम्मेलन च खेड्ढ प्रशासक, खेड्ढ नीतियां बनाने आले, कोच ते खड्ढारी बी प्रतिभा विकास, भलेआं हेठली सतह पर खेड्ढ सुविधाएं दे बाद्दे विस्तार ते खेड्ढे सरबन्धी टिकाऊ मंचें ज्नेह् विशें पर बचार सांझे करडन। इक रिपोर्ट.

<><><><><><>

Bhaderwah Winter Carnival

डोडा जिले च भद्रवाह मेगा विंटर फैस्टिवल-2026 दी मेजबानी लेई पूरी चाल्ली त्यार ऐ- जेड़ा अज्ज गुल-डंडा ते नमें बस अड्डे च शुरु होने जा रदा ऐ। दौंऊ दिनें दे इस उत्सव दा मकसद स्यालू सैलसफा गी बढ़ावा देना- इस इलाके दी सगगोसार सांस्कृति-विरसे गी उजागर करना ते मुकामी अर्थबवस्था गी बढ़ावा देना ऐ। इस बारे होर जानकारी कन्ने स्हाड़े संवाददाता (Byte)

<><><><><><>

Shabe –e-Meraj Greetings

उपराज्यपाल मनोज सिन्हा ते मुखमंत्रि उमर अब्दुल्ला होरें शब-ए-मीराज दे मौके पर कल जम्मू कश्मीर दे लोकें गी ममारकबाद दिंदे होई सब्भनें दी सलामती- तरक्की ते खुशहाली लेई कामना कीती। शब-ए-मीराज गी इस्लाम धर्म च सब्भनें शा पवित्तर रातें चा इक मन्नेया जंदा

ऐ- जंदू- आखेया जन्दा ऐ कि पैगम्बर मोहम्मद सलइल्लाह हो अलहे वसल्लम होरें ईश्वर कन्नै समूलचै ब्रह्माड दा दौरा ते ज्ञान हासल कीता हा। जंदी रातीं पूरे जम्मू-कश्मीर च लोकें रात भर जागियै मसीतें च विशेष प्रार्थनां कीतियां ते दुनिया च अमन-शांति लेई दुआ कीती। काबिना दे सब्भनें मंत्रियें बी इस मौके पर लोकें गी शुभकामनां दितियां न।

<><><><><><>

Weather

मौसम विभाग नै जम्मू-कश्मीर च कल्लै धोड़ी अद्दे-दुब्बे तौरा पर बद्दल छाए दे रौहने दी पेशगोई कीती ऐ ते बक्ख-बक्ख इलाकें च हौली बर्फबारी होने दी बी मेद दस्सी ऐ। इस दौरान जम्मू खिते दे मैदानी इलाकें च दर्मयाने शा घनी धुंध पेदी रौहने दे बी असार न। इस दौरान 23 ते 24 जनवरी गी चिनाब घाटी- उधमपुर- रियासी ते दक्खनी कश्मीर दे किश हिस्सें च मध्यम शा भारी बरखा होने दे असार न। मौसम विभाग दे निदेशक मुख्तार अहमद होरें जानकारी दिंदे होई दस्सेया.

<><><><><><>